



Հասցե. ՀՀ, 1201, ք.Գավառ, Կենտրոնական Հրապարակ 7
Հեռ. +/ 374/ 77 76 46 41, +/ 374/ 264 6 15 11
Էլ. փոստ blejanli@gmail.com

Address: Central Square 7, Gavar, 1201, RA
Tel. +/ 374/ 77 76 46 41, +/ 374/ 264 6 15 11
E-mail blejanli@gmail.com

AA-009

14 օգոստոսի 2018թ.

ՀՀ էներգետիկ ենթակառուցվածքների և
բնական պաշարների նախարար
Արթուր Գրիգորյանին
պատճեն՝ ՀՀ բնապահպանության նախարար
Էրիկ Գրիգորյանին

Տեղեկատվության ստացման հարցում

Հարգելի պարոն Գրիգորյան

2017թ-ին Կառավարությունն առաջարկով ՀՀ ԱԺ-ն Սևանա լճից օրենքով սահմանված 170 միլիոն խմ ջրառն ավելացրեց 100 միլիոն խմ-ով :

Կառավարությունն իր որոշումը հիմնավորեց նաև Սևան-Հրազդան հիդրոկասկադի էլեկտրակենտրոնի արտադրության ծավալների և ոռոգման տարածքների մեծացմամբ, այն է.
- մեխանիկական ջրարտադրությունը կփոխարինվի ինքնահոսով և կտնտեսվի էլեկտրակենտրոնի 1.2 մլրդ դրամ ծախսը,


- Սևան-Հրազդան դերիվացիոն համակարգի ՀԷԿ-երում լրացուցիչ կարտադրվի շուրջ 97 մլն կվտ. ժամ էլեկտրակենտրոն, որի վաճառքից «Միջազգային էներգետիկ կորպորացիա» ՓԲԸ-ի ստացված հասույթը կուղղվի ՀՀ կառավարության կողմից սահմանված նպատակային ներդրումների իրականացմանը:

Հիմք ընդունելով ՀՀ կողմից վավերացրած Օրհուսի համաձայնագիրը և «Տեղեկատվության ազատության մասին» ՀՀ օրենքը, որպես պատասխանատու մարմին՝ խնդրում եմ Գավառի Օրհուս կենտրոնին տրամադրել պաշտոնական տեղեկատվություն, այն է.

- Ինչքա՞ն էլեկտրակենտրոնի արտադրվել -Հրազդան դերիվացիոն համակարգի ՀԷԿ-երում 2017թ.-ին առանձնացնելով 270մլն. խմ. ջրառի արդյունքում արտադրված էլեկտրակենտրոնի քանակը,
- Ինչքա՞ն հասույթ է ստացվել արտադրված էլեկտրակենտրոնից՝ առանձնացնելով 270մլն. խմ ջրառի արդյունքում արտադրված էլեկտրակենտրոնի վաճառքից հասույթը,
- Ե՞րբ և ինչքա՞ն գումար է մուտքագրվել արտաբյուջետային հաշվին այդ հասույթից
- Պետական կառավարման ո՞ր կառույցն է պատասխանատու այդ գումարի տնօրինման հարցում:

Տեղեկության տրամադրումը մերժելու դեպքում խնդրում ենք գրավոր տեղյակ պահել մերժման հիմքի մասին և հնարավորության դեպքում տրամադրել այն պետական մարմնի կամ պաշտոնատար անձի հասցեն, որին կարող ենք ուղղել հարցումը:

Կանխավ շնորհակալություն

Հարգանքով՝
Լիաննա Ասոյան  Գավառի ՕԿ համակարգող



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿ
ԵՆԹԱԿԱՌՈՒՑՎԱԾՔՆԵՐԻ ԵՎ ԲՆԱԿԱՆ ՊԱՇԱՐՆԵՐԻ
ՆԱԽԱՐԱՐ**

0010, ք.Երևան-10, Հանրապետության
Հրատարակչական կառավարական տուն 3.
Հեռ. (011) 52-19-64. Ֆաքս (011) 52-63-65
Էլ. փոստ: minenergy@minenergy.am
Վեբ կայք: www.minenergy.am

*01 ՇՊԳ/ԿԳ.2/4773-18
21.08.18թ.*

**ԳԱՎԱՌԻ ԲՆԱՊԱՀՊԱՆԱԿԱՆ ՏԵՂԵԿԱՏՎՈՒԹՅԱՆ
ՀԱՍԱՐԱՐԱԿԱՆ «ՕՐՀՈՒՍ» ԿԵՆՏՐՈՆԻ
ՀԱՄԱԿԱՐԳՈՂ ՏԻԿԻՆ ԼԻԱՆՆԱ ԱՍՈՅԱՆԻՆ**

Հարգելի տիկին Ասոյան

Ձեր 14.08.2018թ. №AA-009 գրության կապակցությամբ հայտնում ենք հետևյալը.

1) 2017թ. ընթացքում «Միջազգային էներգետիկ կորպորացիա» (ՄԷԿ) ՓԲԸ-ի (Սևան-Հրազդան կասկադ) կայաններում արտադրվել է 466,02 մլն կՎտաժ էլեկտրաէներգիա, օգտակար առաքումը կազմել է 456,93 մլն կՎտաժ:

Սևանա լճից օրենքով սահմանված՝ 170 մլն խմ-ից ավել բաց թողնված ջրաքանակի հաշվին՝ 2017թ-ի օգոստոսի 2-ից ժամը 15⁰⁰ -ից մինչև սեպտեմբերի 14-ը ժամը 20⁰⁰ ժամանակահատվածում «ՄԷԿ» ՓԲԸ-ի կողմից առաքված էլեկտրաէներգիան կազմել է 81,0 մլն կՎտաժ:

2) «ՄԷԿ» ՓԲԸ-ի ապրանքային արտադրանքը 2017թ-ին կազմել է 7571,54 մլն դրամ:

Սևանա լճից օրենքով սահմանված՝ 170 մլն խմ-ից ավել բաց թողնված ջրաքանակի հաշվին առաքված 81 մլն կՎտաժ էլեկտրաէներգիայի վաճառքից ՀՀ կառավարության 17.08.2017թ. №1018-Ն որոշման համաձայն հասույթի և կատարված ծախսերի տարբերությունից առաջացող շահույթը (լրացուցիչ շահույթ) «ՄԷԿ» ՓԲԸ-ում և «Հայաստանի էլեկտրական ցանցեր» ՓԲԸ-ում կազմել է համապատասխանաբար՝ 545,030.0 հազ. դրամ և 1,100,109.6 հազ. դրամ:

3) Նշված ընկերությունների կողմից 2017թ. նոյեմբեր - 2018թ. հունվար ամիսների ընթացքում ՀՀ էներգետիկ ենթակառուցվածքների և բնական պաշարների նախարարության արտաբյուջետային հաշվին է փոխանցվել 1,645,139.6 հազ. դրամ:

Ներկայումս շրջանառվում է ՀՀ կառավարության որոշման նախագիծ՝ վերը նշված գումարն ամբողջության պետրյուցե փոխանցելու համար:

ՀԱՐԳԱՆՔՈՎ՝

ԱՐԹՈՒՐ ԳՐԻԳՈՐՅԱՆ

Կառավարող ՖՏԷՆ տնտեսագիտական
քառիկի պետ Կ. Հարությունյան
Հեռ. (011) 52-51-99